

半水遺稿
下

番外書目册


和書門類	二六四二〇	二〇	二〇	二〇
函架	四	四	四	四
册架	二	二	二	二
册架	二	二	二	二

和書類	二六四二〇	二〇	二〇	二〇
册架	四	四	四	四
函架	二	二	二	二
册架	二	二	二	二

(三才)

詩集女

内閣文庫	番號和	26420
	册數	4 (3)
	函號	206 226




半水遺稿卷之下

庸醫說

淺草文庫

杉原燁文林



人而不知人之道。則不能為君子也。醫而不知醫之道。則不能為良醫也。夫不能為良醫。則庸醫耳。不能為君子。則庸夫耳。故人欲為君子。則考之六經。而求之堯舜孔孟。然後可以識天理人情之公。而免為庸夫矣。醫亦然。因醫之六經。以求醫之孔孟。然後可以辨五脈六氣之運。而免為庸醫矣。今夫軒皇岐伯。猶我堯舜也。華陀扁鵲。猶我孔孟也。仲景思邈。猶我程

朱也。所謂素問靈樞諸書。猶我六經也。故覈求素問靈樞之精。邇於軒岐華扁張孫之聖。然後投劑而無不痊。救人之橫夭。世乃仰以為良醫。固可也。近世不之醫師。而獨精於醫書者。絕歎矣。夫精於醫書者少。則百醫百庸。未可與論醫道也。凡今之醫。容貌之偉。衣服之美。望之肥白如瓠。而實不解一丁字。其心謂素問靈樞是其古矣。不若衆方規矩之易曉。牛溲馬渤何等藥。不若陳皮茯苓之便。其無所得於內也。如此。而徒隆其體望。重其居止。人雖請藥。不敢輒投劑。竭蹶懇請。乃與藥。不痊者委之天。偶有治者。則鶴望

以俟。餽謝矣。或餽謝不厚。則後招之而不應。質質然。惟利是驚。人亦誤為良醫。而不察。彼亦抗然雄跨於醫林。始將臣彼仲景輩。而奴思邈之徒也。試使仲景思邈視之。必將捧腹絕倒之不暇也。然則世之所以為良醫者。自仲景思邈視之。猶未免為庸醫也。況世之所以為庸醫者乎。是庸中之又庸。腐中之又腐。噫。天下無醫而不庸醫。則天下無良醫也。明矣。庸醫乎。庸醫乎。人謂之醫。而我不謂之醫也。人謂之醫。而我獨否者。不知醫道也。雖然。醫之為庸。人皆知之。曾不知自為庸夫。抑又何心哉。因作庸醫說。使醫知所嚮。

并論世間不知人道者矣。

題游房日錄卷

小玉烈齋王母在房州。今春拜謁獻壽觴。兼陟鋸山。斐然著此冊。頃日相見於見山樓。時懷而示。因携歸讀之。山聳烟浮雲逝水流於扞案上。良可駭也。嗚呼。予與烈齋驅逐於見山社中者。屋廡七八年間。而烈齋戈鬱學殖。辭藻彬彬。猶彈丸之去而復去。未可知其所止也。予則稟性蹇拙。瞠若於馬後塵。進僅不盈寸。而退却過尺。今諷誦一過。愧汗灑灑洽背。頗足以鞭蹇驚癡滯之志矣。唯惜彼鋸山非不奇。而自他鉅

山峻峯視之。猶未免為點螺也。今烈齋收峯雲於筆端。洗鋸山塵土之面目。既如此則討盡天下奇巖峻嶽。嘯咏於水雲山月之境。文以記之。詩以賦之。其以烈齋之戈之逸。發胸中之蘊。加右巒光水色助之。則為峰為巒為狂巖為怪嶽。將不可以形容也。果爾則屹然人中芙蓉峰矣。半水燁頭。

讀高帝紀

史可信耶。不可信耶。可信則信。可疑則疑。是史筆之法。抑又讀史之法矣。高祖母夢與神遇。雷電晦冥。遂有娠。甚哉史之妄也。無世間有此奇奇怪怪事也。彼

醉卧龍躍。蛇斷姬哭。是亦妄矣。否則與夜鳴之狐魚腹之書。必同一流。而英雄欺人者耳。蓋是史筆之所以縱橫如雲也歟。皇朝豐閣冊夢日輸入懷。有姓又賤時。丐食於漂母。有後當厚報之語。即是淮陰之言。史之為蹈襲無疑矣。意欲寫出英雄豪傑。非設一段神怪不凡之狀。未足以出後來卓犖事業耳。彼史也。此史也。因并駁之。嗚呼。盡信書不如無書。信矣。

與中山惜軒書

僕賦稟蹇陋。游泳於道藝之淵者。恍惚若夢。而既已十餘年矣。唯以質性愚魯。所得日淺。而眼未能辨之。

每念昔之碩儒。俾當夙成。挺然雄跨於文苑。垂名於千載者。未嘗不內咎而深自慚也。蓋古人之能然者。意必其自勉之焉。而朋友切磋之力。並至。內外督責。日就月將。如春雲在岫而風出之。未嘗不因其忠告之助也。僕下才不能及古人萬一。而彼督責忠告之至。極薄。平素交游既滿六七百人。而其能神交心許。忠告賢責。有益於成己者。僅不下一二輩。既以孱才微智。如之以朋友淬礪之薄。殆將竭一生心力。一藝無成。與蟻蟻俱泯。徒為童幼所謔笑也。每慨念至此。泫然涕下。而締交中。乃無一人垂憐者矣。僕與足下

居甚相稱。而足下名姓在胸中者舊矣。今歲相覲於春闈。一見如舊識。遂締交。講習討論。往來繁密。雖風雨疾恙。未嘗懈。所謂忠告督責。以有益於成己者。舍足下而誰哉。曩日辱示高吟數首。試諷誦之。若天心月照。頗為佳詠。僕固不能韻語。登壇後。一二知己。或勸獎而不置。因奮然讀古人詩集。擲字訂句。剝綴為篇。辭藻蹇拙。固不足觀。曾不及足下吟吐縱橫。雖然所望於朋友。取忠告耳。知而不告。面從而後言。是朋友之通患矣。故僕之於足下。不敢有所隱。漫評點玉疵。以質之。蓋僕之望於朋友。既若彼。故待之亦若是。

伏希海容。僕嘗自度人之處乎兩間。乘天地之輿。駕陰陽之馬。瞥然若蠛蠓翔於四野。况僕資性鈍劣。加之以多病。抗顏任吾道之大。非奮發淬礪百之千之。未以易造也。僕結髮持此念於心胸。未嘗用力於他路。惟孜孜讀書。戶外鐘鼓鳴而風雨作。不復覺也。今春折桂。實出於業外。而人或謂文事足矣。不若移志於武也。僕聞之。愧發日相屬也。夫雖智微。戈鈍。器識頑薄。辱科名。真國家恩波之所及。僕非實有得於此也。惟不肯自棄。更他伎。一切抹殺。堅志於一路。欲以攘臂追古人。而不愧於科名。彼石虎之射。亦既沒

其羽。則僕雖駢。或將以能之矣。一笑近藁數篇。與新吟六首。在。以呈高。矚。惟荒觀指點疵類。以教誨。是所望也。足下幸得僕之闕。時必以告我。相與詠歌。質疑。勉勉焉。期不畔于道。而冀其有成。則不負古聖忠告之義。豈非天地一快哉。僕雖魯鈍。不敢不勉。不備。

小兒一得方跋

世間無無兒之家。無無疾之兒。而兒之藏疾。口不可言。手不可以狀。父母或不察。過爾度日。猶歛兵銜。枚夜襲而不知者。一旦疾驟發。如狂如顛。呻吟吽啼。父母錯愕失圖。股栗挫衄。一敗塗地。雖有扁倉。不過

棄甲而走。可懼哉。雖然。父母既無軒岐之明。以察其疾。固難矣。蓋亦將奈何。侍醫宮崎君憂之。著小兒一得方。以辨之。如燃犀照怪。曾無有所逃。兵有兒之家。或藏之。按之。察之。招醫療之。雖有疾之兒。不登夜臺。不上鬼錄。亦猶無疾也。夫醫仁術也。宮崎君既得其精。又能博施濟衆。不止深於醫術。抑又吾黨之君子矣。是為跋。

遜窩記

井戶君敬甫。絃誦之齋。曰遜窩。予疑而問之。君曰。遜云。遜云。山林云乎哉。予始識其意。而又竊疑。遜有二

焉。有易見之趣。有難察之趣。而君取於趣。果是何趣矣。彼避世之塵。囂混濁。巖居而溪飲。寤寐於巒光水色之中。棲息於幽閨寂寞之境。木石之與居。虎豕之與侶。朝鶴暮猿之與唵嘯。舉世之紛紜。屬之浮雲。而獨放意於窮山荒野。是其心趣矣。其迹趣矣。莫往而不趣。則是易見之趣也。應接於賓僚之際。進退於全冗埃塵之中。而游心於物外。夫富貴貧賤。毀譽寵辱。無一所及。蒂於中。人窺其跡。非趣而其心則趣矣。是難察之趣也。趣之義既為二。而君之趣。易見之趣耶。抑又難察之趣耶。君之齋。造構雅潔。無粉藻之貴。四

邊唯圖書山堆。其園蒼樹蒼蔚。葩卉彙列。奇石駢峙。池水滉泓。君每朝退之暇。閑閣坐簾。賓客不到。發帙而誦。不求甚解。如陶淵明。或風露霽雨。竹樹有輝。君林樹之蒼蒼。目樂之。池水之濺濺。耳嬉之。拄頰搜句。孤月流天。而一鶴放鳴。猶彼栖宿於飛泉。壑壑之中也。君為人溫而毅。賓僚應接進退之際。其揖遜俯仰。絕不類避塵世埃俗之煩囂。而其心則世人所謂駟馬高蓋。衣錦列鼎之榮。一切蔑視。漠然不復問。又猶巖居而谿飲者也。然則君吟哦於此高。與羣籍寤寐。世事抹撇。意思矧然。曰趣善矣。苟棲息於巒煙水

光之境。而後以為遜。蓋又鄙且賤矣。嗚呼。君之為遜。難察哉。遜乎遜乎。遜而不可知其所以為遜。則所謂遜世不知而不悔之君子乎。然則君遜於此。窩其果為遜耶。非遜耶。人或將有難辨者也。作遜窩記。

明文選序

伊川先生嘗謂人不見意趣。必不願學。予因竊謂文辭亦有然者矣。若孟莊班馬之文。其立言詰辭。郁而簡。猶曦輪麗天。疇芒四射。望之徒震蕩心目耳。唐宋之文。視孟莊班馬。不翅天淵。而自今人視唐宋之文。又既天壤相懸矣。就中若昌黎韓子之文。根柢於蒙

莊班馬。變化錯出。雲涌水跳。神龍出没。張翔之徒。仰以為古之人古之文。振古茲來。推以為文苑之劉祖也。但以其變化難窮。讀者或徒誦百過。猶老嫗誦佛經。不能解其萬一。而徒摸擬其字句。是以立言不能免其詰屈。不至成篇。而困踣委頓。殆將仆倒也。竟以文辭為無上絕伎。至不知作家心曠。有多少樂地。其弊一出於不解意趣也。蓋嘗評之。唐宋之文則海也。夫海之浩渺淼蕩。狂浪怪瀾。怒號相軋。鯤鯨鼓鱗。而蛟龍潜伏。其源之遠且大。固非一蹴而可至也。其下可至則已乎。揚子曰。百川學海而至海。唯其學於流

川淺河。潛潛晝夜。積久不息。百洞千匯。乃入手大洋。雖日域韎鞞。非難造也。其所謂淺河流川者。果何哉。明之文是也。若晉田潛溪正學。荆川遵巖震川之文。固非韓柳歐蘇之難學。刻意於此而不懈。則文戈縱橫如流。自忘其文辭之難。而一向如饑渴之好。遂泝乎韓柳歐蘇之海。溯乎孟莊班馬之源。不難也。是不特幾乎學海之旨。抑又陟高自卑之意。要在見意趣也。嘗持論若茲。是以常刻苦淬礪於流川淺河之際。而未有以得於其流川淺河也。雖然不敢措棄。亦將以造浩蕩淼澗之域。窺鯢鯨鯢鯢之窟也。而奈何壽

書極乏。或官本誦閱。或借人家藏壽。顛倒信屬一癡。頃日自泮宮還之次。過茗溪骨董舖。得明文選者。蓋邦人所選。而潛溪青田以下。鉅家之文。苑為林矣。其卷秩首尾散蕩。不知何人之為選。又不辨何時刻之。而鐫手極拙。意必是古雕斂。因有浩慨焉。蜀音田序潛溪集曰。先生之文。雖海外之人。不惜百金購去。云。今此書鉅儒之文。駢珠連玉。其直將百萬金。而僅止驚眼三百目耳。試使諸家於九泉聽之。必將痛哭。鯁泣涕零盈斗也。為之一嘅。舊本係四卷。更併為乾坤兩冊。叙而藏之。天保四季歲次癸巳星夕後二日。

識於靜窩窓下。

歲友人嗜酒書

僕稟性褻劣。辱締交既久矣。足下追李白之風猷。曰與青州從事相昵。竟日泥醉。譚話之間。宛如逢麴車。欽羨欽羨。惟足下耽嗜麴孽。而某則不能啣觴。某獨思典籍。而足下則不好青史。是以議論不相符。一醉一醒。一雅一俗。交情漸疎。往往見擯於花筵月席之際。而僕持論。耒者不距。往者不追矣。假令雖不辨一了之徒。亦交昵而無他心。不若足下之於僕也。僕於是欲以絕交於足下也。惟恐噤口而謝交。僕之心不

通於足下。因一言以白鄙懷矣。夫酒不必飲。不必不飲也。雖然。謫仙之友。猶天馬不可羈。而抑非酒不豪。則飲之固可也。彼月宵花晨。啣杯觴詠。固足發一時幽默也。故僕之所以歲足下。不敢禁飲也。惟欲安其分耳。足下往往飲酒而酌。是不寧其分也。蓋足下不啣觴時。溫而順。及杯酒七八行。則意氣忽軒昂。往往謔罵傍人如狂。惜以足下之資。極聖賢學術之大義。方將有所成也。遂為酒缺多少天資。是非足下飲酒也。却為酒所飲了。甚不可也。夫酒之設。將以侍廟堂。擲俎之際。而薦之神明也。近世多醉酌之徒。而人皆

不知酒所以為酒也。故酒流生禍。著諸聖經。足下固不可知也。夫狂藥害性之教。足下固不可知也。僕之箴足下。不一不再。而曾半瓜之。是不容矣。夫大禹惡旨酒而好善言。足下固不可知也。蓋僕之所以箴足下。為善耶為惡耶。為可從耶。抑又為不可從耶。僕致斯言。是聖賢之言也。足下不聽之。無損益於僕。而獨奈足下。負聖賢何。足下茲後節酒量。移好酒之念。以好學。乃將以有大得也。夫好酒者多損。好學者多益矣。足下容僕之箴。永為忘年交。否則反眼唾顧。豈復動鼻以觸麴車風哉。從否惟足下之心。如何如何。幸

諒察鄙懷。賜還酬。不宣。

陟岵日記

天保三歲秋。嚴君祗役錦城。河梁風雨。東西分袂。每玉律之變調。一心西馳。欲往候起居。浮雲千里。山川既悠遠。彼望雲思親。奚但狄氏耶。夫一年歲華。轉眼奔驥。而燁等以思念之深。雖僅僅三百六旬。殆若大椿之春秋。然情念無限。而日月有定。夏謝秋來。於西望間。一片秋聲。蟋蟀在庭。八月實為夙期。發軔在十日。官程十二宿。將以廿二日歸。燁等欣躍。蓋可知矣。而待之之

心。半月猶一歲。因案站驛簿。日記行程及暗雨。以待焉。魏風之詩曰。陟彼岵兮。瞻望父兮。即以陟岵題。天保四年仲商。楸燁識。

十日。晴。晚。雨。灑。

嚴君發軔在是日。舉家祝賀。更祈旅途康寧。余獨謂往昔爭亂之際。履鋒刃而冒矢石。振劍戟而躍鞍馬。寄身於鋒鏑之危。役者皆然。家人情思為奚若歟。今也晨行夜宿。輿馬恬舒。惟有疾病疫厲之憂耳。嚴君在役。玉體健寧。一日無減膳。此日當

發軔。嚴君嘗謂始至城。猶野鳥之入籠。久而馴。以籠為家。孰知不為燕雁之後身耶。今日將復脫籠。白香山詩。白鶴一辭籠。虛舟長任風者。究在嚴君身上。此夜當宿伏水。一旦謝城圍。而投逆旅。雜擾。聞驛路鐸聲。未知嚴君情懷何如。夜秋氣爽冷。玉體或衣得無薄乎。悵然上懷。

十一日。雨。夜。霽。淡雲微月。

當過大津。驛間鬻畫。稱大津繪。圖極古雅。余酷愛之。嚴君亦每行役。必齋歸而賜。此日命僕購否。蓋大津驛係近江州內。道當過琵琶湖。湖之八景。天

下第一。雖瀟湘在媿色。惟輪窓所矚。僅不過眺半
面。度勢多橋。覽天橋石山。膳城。然非夕照。非歸帆。
非秋月。固廢服垢面。非靛粧麗服也。是為可惜。余
弄八景圖。識之頗熟。孤月流天。山嶺聳樓宏麗。為
石山秋月。城堞層臺。如從鑑湖涌出。為粟津晴嵐。
孤松如蓋。夜暝雨淋。為唐崎夜雨。夕霏一抹。長橋
虹卧。為勢多夕照。艤帆銜風。飽腹歸來。為天橋歸
帆。雁落湖塢。茅堂一字。為聖田落雁。山瘡然。雪皚
然。為比良暮雪。所謂靛粧麗服之景。藏於胸中者。
若此。非彼廢服垢面也。惟三井龜鐘圖上。唯見蕉

樓。聲則不可聞。昨夜嚴君或聞乎否。是夕當宿水
口。

十二日暗而風。

秋冷薄肌。余寒疾惡風。着綿衣。言思嚴君。伴我疾
忘。過鈴嶽。在是日。田邨將軍鏖殺魑魅之虜。山中
奉祀將軍。香火極盛。云。嘗聞嶺頗峻險。亂石犬牙。
岿岿嵯峨。老樹蔽匿。幽暗如暮。蝸磴屈曲。縱橫百
道。作蓮葉圻裂狀。捫羅而登。似戴前人之蹄。而履
後人之髻。蓋以徑路幽暗。登者為之心危。脚亦趑
趑。豈至今鬼氣襲人乎。嶺凡廿七曲。一川奔注。漾

洵於列岫間。不知為幾屢。因有八十瀨之稱。嶺無
薩埵之奇。險亦不及函嶺。然余謂嚴君發軔後。日
歷坦途。過此必將以為至險。降嶺則阪下矣。望巖
根山如重堂。邃閣峯巒秀錯。青松纏繞如蒼雲。橫
於半山。乃狩野元信擲筆之處。故別名筆捨山。蓋
狩野氏畫苑韓杜。而尚擲筆焉。余欲寫嚴君行色。
雖彼擲筆之處。悉收之秃筆。山容巒色。磅礴片紙。
起元信於地下。將絕倒耶。抑又發擲揄哄堂耶。豈
余於此山。實無半面識。一時援筆如畫魑魅。故然
歟。意此山巒光與松色掩映。景當極奇。雖然豈他

無奇山水哉。此山而擲筆。亦將起筆於蟻垤盆景
乎。故司馬子長不擲筆於龍門禹穴。柳子不擲筆
於黃溪西山。他日放眸此間。身寧絕倒。不敢擲筆
也。因愕然。奚為此嘍語。嚴君或有聞。將憂余狂癡。
是日當宿四日市。夜冷。因念嚴君留飲宿病。每新
冷必發。連日曉發。加以新冷。靜言思之。攢心耿耿。
雙睫不合。

十三日風雨。夜遠雷閃電。

航柔海。當在是日。舟程七里。天或暗。微波層層。舟
行如席。天光與海色相接。疑行琉璃盤中。煙嶼雲

嶋之隱見。漢蓬釣艇之往來。飄飄乎覺蓬萊可至。則誦青蓮閣帖入天鏡之句。將如目前景。巖君亦神適而情怡否。唯天降雨。不知興亦如何。然百里外陰暗亦未可測也。竊謂慶長之際。征帆如雲。飛鏑如雨。旗旄蔽空。戰艦滿海。當時有青嶂白波。孰能指顧之。一旦戰艦變而為釣艇。鼓聲變而為漁謠。行戎者惟弄青嶂白波。真無上大賜矣。然青嶂白波無不有。而一時雅賞如夢。一去不可復尋。惟巖君高著有入撰記。燁輩展誦。得以坐翫其勝。誠為大幸矣。但風濤之變。東泊西注。失所在者。海行

常有。因復懸念不能置。况此風雨。胸間忡忡。舉家誓絕飲膳。禱航海無恙。余亦西向裒拜。詣風水二伯護衛耳。旅次當在熱田。簷溜淙淙徹曉。

十四日已後晴

過矢矧橋。宿赤阪。在是日。矢矧橋乃東京道中橋中巨擘。吉田橋亞之。過此當在明日。余髻時捧杖屨。過永代橋。都下橋中之王。不覺瞿然曰。偉哉橋也。巖君曰。視矢矧橋為耳孫。矢矧橋則二百四丈云。余復愕然。今憶之。自大視小。皆然歟。故歐蘇不及韓柳。韓柳不及班馬。班馬不及孟莊。余欲從小

而及大未得於小者。是亦嚴君一笑樂歟。或道代
官留滯三日矣。果然。嚴君發軔亦在十三日。舉家
憮然。况余日紀行程。紀程愆期。則一一乖刺齟齬。
不特憮然也。因辨駁之。不肯輕信。

三五夕微霽。

棠站驛簿。當歷白須賀。過觀潮阪。航荒井。宿濱松。
聞觀潮阪上。遠眺頗佳。遠州廿七里之灘。渺然在
眼。不讓弱水三萬里云。想紫山蒼岳。纜屬橫逗。如
羽林執戟兒。飛鷺流旆。青松白波之掩映。必將發
瀟洒閑曠之懷也。荒井海程僅一里。較於桑海。不



翅衣帶。回睇之間。山蕩舟違。因余輩心胸亦怙然。
曾不懸念矣。其矚遠水之空綠。航白波之奩淪。嚴
君亦當捉筆寫之。必有佳句滿縹囊矣。余思之神
魂頗蜚。洪自誠云。籬下聞犬吠。鷄鳴恍似雲中世
界。夫水無二水。庭前盆池。亦足沾渴。是夕為觀月
節。浮雲發隸。月色朦朧。玉輪僅可辨。不似杜老一
年月色之句。陶筵歌酬。十無一醉。蓋舉家思嚴君。
不啻若渴者思靈泉。非酒之可醉也。唐詩謂身在
異鄉為異客。每逢佳節更思親。余雖不為異客。而
其情誠如此。嗚呼。嚴君所覽此月也。燁所觀亦此

月也。同一月也。欲洗盃以奉獻。恨身無健翮耳。須
史雲惟四座。嫦娥闕光。豈憐余而不欲見歟。

十六日細雨

涉天龍川。過日阪嶺。共在是日。嘗聞嶺蜿蜒隆起。
乏泉石竹樹之觀。嶺半一石當路。所謂夜啼石者。
轉而左。有姪婦墳。夜哭松音子觀音等。乃小夜中
山兵。蓋姪婦逢賊之事。古今譚柄不衰。此山香火
因盛云。余幼時嚴君常戲談。兇愴慘毒。童眼泫然
欲涕。恍惚十二三年間。猶南柯一夢。而今追惟之。
首末荒唐。是又浮屠利誘之一班兵。噫。雖菩薩大

士。欲立身成名。既設多少方便。况河沙凡夫。奚足
深責。余他日將以是責之也。欲降嶺。眺大堰川。縮
如白銀帶。渡者往來。僅可比綾羅紋云。未知果然
否。是夜當宿島田。夜雨大至。自前日聞留滯之說。
竹聲松韻。亦復疑雨。一心更風鶴。况既雨。極悽惘。

十七日雨

雙睫始開。簷溜如懸瀑。嚴君涉大堰川。過宇都谷
嶺。皆在是日。大堰川發源於信之谿澗。建瓴急瀉。
至此奔恣橫放。驚而為浪。決而為瀾。石大如斛者。
水中碌碌激轉。暴雨一夕。川身肥大。洄瀝澎湃。非

水落不可涉。里謠所謂函山八里騎猶越。欲涉難
涉。大井川者。蓋指此。此川無舟楫。度丁環擁。肩輿
而渡。時自輻窓視。澗瀆千里。蕩激鞞輪。飛沫闖入
輿中。意頗不寧。云。想連日雨師泛灑。此日果得利
涉耶。抑暴漲不可渡耶。涉而四里。則宇都谷嶺矣。
嚴君掌諭曰。山得水愈奇。水得山益奇。苟山徒率
嶽。水徒澹蕩。未若山水相得之奇也。宇都谷嶺錯
峙林立。乏於泉石之勝。薩埵嶺則岬然澗然。鬱光
與水色相映。東海道中。曾無其配。二山之容若斯。
燁兒暗以作者品之何如。余曰。宇都谷嶺乏於澹

蕩玲瓏之觀。則蘇老泉也。薩埵嶺則山媚水明。文
之粲然者也。歐陽公當之。獨奈無韓公何。嚴君曰。
奚患焉。函嶺嶺上。雙生嶽。豈非昌黎之雄健耶。一
時戲譚。今既一夢。嚴君過此。必當追憶曩時笑語
之譔。而懷燁也。

十八日晴。晡後復暄。雨點。

嚴君是日當過薩埵嶺。舊聞薩埵嶺不及函山之
險。函山之石。嶙峋戴苔。難騎而度。薩埵嶺則鞞上
恬如。然景之奇。則豪於函山。而冠於東海。自洞村
陵。路則山趾也。山則薩埵嶺也。罔巒矗起。聯嶂穿

崩形若伏牛。徑路一道。峭屈僅方軌。蒼崖作障。如
峙屏風者。路傍神鑿岬然數十丈。如搏鵲危巢。崖
下則海。一失脚卽倒墜。彈丸轉。將膏魚腹也。而其
實崖下有蹊路。猛瀾怒漲。忽失踪跡。極險惡。只履
十齒萃而俯濤瀾。脚矜目眩不能覘也。天時暗。浩洋
溼溼。翠浪鱗鱗。富嶽鷗鷺山。映燭于玲瓏。激激之
間。如開一幅山水圖。評訂之際。不覺抵西倉澤。乃
東麓矣。蓋雖羈客過此。飄飄然頓忘身之有鄉。鄉
之懷身云。信然。真天然妙畫。嚴君亦將若挾天風
凌厲峭下視瀛海也。渡芙蓉河。在是日。得利涉乎

否。當經葦蒲原三驛。二原間望芙蓉峯。青巒紫羅。與
田疇曠野相映發。海道第一壯觀云。當極佳。嚴君
是日能魚并飫。情興奚若。余逢穎君。則日摸山水
狀。胸次浩浩。猶身在山巔水湄。胸蘊蔚發。翳然雲
滿。別於穎君。則環堵蕭然。奚得以陪從於嚴君。輪
後。吐盡胸中之秘。是夕旅程。當在沼津。夜聞新雁。
更增惆悵。嚴君亦有聞否。

十九日雨

度函嶺。在是日。冒雨攀躋。險澁可想。門人宮川生
未。生曩年遊洛。過此嶺。因叩之。頗有得嶺峻險甲

於東海。從江都往。陟險而降夷。自京阪來。陟夷而
降難矣。嶺自三島。蟠蛇拔起。巖嶺峻峭。峭崖如屏。
碧蘿垂愜。或非壁立。則浚谷矣。谷底雜木叢生。競
露半髻於崖下。愈陟愈奇。蓮嶽秀聳。鷲鷹峯突擁。
宛作楚項參乘提劍。瞋視之勢。其他瑤岑碧峯。如
翠浪起伏。眼界敞豁。乃富士觀平矣。崑崙缺處。茅
簷碁布。如村落人家。乃函嶺驛矣。驛盡而關。乃函
嶺關矣。關後湍水一脈。奔狂於列岫間。滙為巨湖。
水色正綠。如沈碧琉璃。乃蘆湖矣。兩嶽並峙。巒容
逼似。難為兄弟。乃雙生嶽矣。此處尤鬼工一番妙

手云。當然。湖右石華表建焉。華表後為推現祠。湖
左茅堂。置地藏閻王婆王像。湖壩石墻累累。類兒
戲者。為塞河原。沿湖而里餘。峯巒競起。如針山。劍
崖。白煙上騰。腥氣襲鼻。曰小地獄。即湯泉之源。土
色有如紫鐵者。曰鍛冶獄。其土赭黃。類醪者。曰酒
高獄。滿地作紺色者。曰染家獄。履岫巖披叢草。狂
巒複疊。氛露四起。白雲常不散。或黃煙發乎哈呀
間。驟作一條白虹。曰大地獄。蓋白雲皆硫黃之氣
所發。變恠萬狀。山靈殊珍惜。而人乃罕到。又屬迂
路云。安哉。彼徒以十萬億土界。而揭其名於八里

山上。抑又矛盾矣。降路極峻絕。若八門六花之變。怪石皆躍。異巖巖。如百獸率舞。或磨牙怒爪。如猛虎。如蹲獅。如奔豹。如巨象。駮首。如駿驢。犇逸。履石而降。古苔滑澁。不能支趾。雖獼猴。艱攀。濟者。猿滑。嶺矣。紫鐔凌厲。綢疊偏仄。匹馬難旋者。鉅子口嶺矣。檀樹庇逕。幽晦蔽曦。密葦被石。步步滑澁者。檀樹嶺矣。自是歷波多。過湯基。波多湯基。間覽海。渺瀰淡蕪。雲帆掩映。遠靄空濛。如烟如霧。野馬耶。塵埃耶。溟渤壯觀未極。達小田原。當宿焉。家君掌右言。乘輿度嶺。陟時而膝朝天。降時而膝揖地。故

陟降並捨輿云。嗚呼。若函嶺。雄跨於東海。而山水遊適。非得天緣不能也。嚴君雖幸得寓目。曾不得半日盤桓。若余則不過瞬飛雲動遐思。坡翁謂山水遊樂。人間難致之事。信然。彼欲登泰山而不果者。豈止白氏也耶。此皆一時傳聞所記。嚴君歸後。或覽之。必將為函嶺廣景也。煒亦將謂目偏耳販。非造真域。嚴君其以為遊戲三昧乎。是日八日封發書達。計三日滯。定限以九日按狀本月七日代官臻浪速。嚴君發輒於十日。無疑。葦苗復興。余之辯駁始確。

念陰翳。起雨。

宿戶冢。程在是日。然書既阻滯。嚴君亦留滯無疑。不知旅程何在。初余聞代官淹阻之言。以為病。昨得雁書。始癒一病。而一病更發。除一憂而一憂又生。

念一日雨

嚴君將以是夕宿級河。級河東京道五十三亭之門。距輦轂之下。不甚遠。役者自京撰還。陽為宿於此。而陰以是日歸家。嚴君亦將以是夜還。余亦欲迎候於此。彼此商議。計淫霖旬餘。諸川必暴漲。歸

驂夫非是日也。故不迎焉。蓋余將以是日拜大人。連日屈指。胸次躍躍。既至今日。歸轅悠悠。白雲偷隙。邈不知返期。舉家惘然。如夢中癡人。如猱之墜於樹。鵠立西望耳。吁。富士耶。天龍耶。將大井川耶。非磔裂雨師水伯。奚以解恨。嚴君無聊可想。

念二日雨

家嚴公歸之期。在是日。而實則將以昨夜還。唯水伯不諒我心。是日亦未知返期。余想像日記。芳輿所過。東京道中。山之巍巍。水之漾漾。名境勝區。必與中書君相評。胸中所蓄。至此既吐盡而無餘。始

若山水游子裹糧告盡。囊底蕭然。無可奈何。王父
君齡踰耳順三歲。戀意殊酷。性潔癖。無故則箕帚
不離于身。况以家嚴之婦。日日掃除。似待大賓者。
且曰。昨今雨淋。渡當未通矣。蓋君戍京。撰前後十
八役。過岐蘇者三。過海道者。往反三十度。以出乎
君言無異辭。所謂履道者之言。確不可易也。

念三日暗風

嚴君是日亦阻渡。將得通耶。想昨無暴雨。今又決
暗。水亦當落。蓋嚴君發軔。一日無全暗之日。而得
此暗。亦當若久荒後得豐稔。何如。

念四日微雨

是夕十八日吉原驛封發書達。舉家皆躍。聚首破
封。羣手四出。封紙裂而為寸。因審玉體康寧。且是
日渡富士川。水勢灑泔如駿驢。渡而後川亦阻云。
渥沔渤漲可想。蓋吉原驛係駿河州內。距都僅卅
里餘。而距七日書達。途中淹滯無疑。然芳輿既涉
富士川。則彼留嚴君。決非大井天龍富士等。而恐
亦近在酒香馬乳之間。其在酒香乎。當逗宿小田
原。而書既達。可知渡亦通。然則歸驂當在邇。自念
一抵此。如軍中糧盡。意思淒然。至得書。猶援兵大

至。意氣昂昂。欣焉不寐。

念五日翳。晚雨。

是日未知返期。或曰。至呂川以質事體。可辨。余欲往審之。王父萱臺皆不許。余亦不方命。而望雲之意益奮。一心首鼠。因走介詢之。報曰。酒香川濫漲。又復阻渡。聞之茫然。

念六日雨

念七日晴

或告曰。酒香川昨日始通。歸輒必在是日。因與弟倫急束裝。同松朝二氏。迎於呂川。叩之驛吏。果然。

家嚴憇息之館。曰相州樓。因投而待。樓屹然臨海。波聲鞳鞳若雷鼓。若鐵騎馳而復驟。驟而復停。凭欄放觀。碧波漱漫。海水與天一色。高颿疾艦。鼓舷而進。景真意適。顧此景視於彼。薩埵桑海荒井等。必當盆玩小景。而日記中未嘗有斯意思。徒吹宿仄。今稍得麻姑搔癢。謂之出於諸勝之右。可也。滿坐俗腸。曾無一喙。自言而自笑。此亦竒絕。日入後。驛吏報嚴君至焉。急出樓而迎拜。悲喜如狂。余春闈登蟾。嚴君喜色溢顏。余亦似獲孤矢而先登者。譚語疊疊。更僕不盡。樓上奉膳。嚴君卽飯。蓋余得

視瞻。真去幸未所不有也。出樓過筍輪。海色杳暝。漁燈星聯。如腐艸餘光。至此始與海別。嚴君轎中。召燁。途上行語。不似客歲作別之時。歷於菟門。出和田倉門。郭中道路。礫沙平敷。步武嚙踵。辛酸欲生。火至此困蹙。始欲仆倒。而以從嚴君轎後。步而躍。躍而復步。夜半始達家。舉家相迎。親眷滿堂。一時賀祝之聲。須臾不已。嚴君舉白。諸賓霑醉。雞鳴客去。嚴君就寢。燁等亦各退私室。嗚呼。轎駕西去。寤寐江海。憂心有忡。今觀嚴君。我心始降矣。

惜陰軒記

人寓形於覆載之間。渺然一粟。賦壽無期而有限。歲月有期而無窮。如風蓬。如且暮之蜉蝣。苟欲以有限之壽。成偉器於無窮之間。非愛惜日力。而豈可獲乎哉。大禹聖人也。尚惜寸陰而不怠。况於士乎。夫士之所以為任者。何也。豈止武事云乎哉。又豈文學云乎哉。苟非文武兼至。二美俱有。則未足以為士也。蓋天下士之講武者。短袴長劍。意氣儼然不可犯。而內不辨一丁字。徒攘臂梟視文學之士。其又何心歟。世之文學之士。兀兀讀書。博覽多識。之是務。以竭思於辭藻之末。而內無寸劍之備。徒開口論國家之大計。與武

人華夷之相視。抑又何心歟。是亦未足以為士也。夫講武之士。雖事劍槍。文學之士。雖對筆硯。豈無寸陰餘晷之存於其間哉。竊惜懶瘵。過爾於暇晷之間。而不復學。以至於專於武。偏於文。蓋亦陋矣。昔蜀先主英邁之氣。磅礴宇宙。古今推以為英武之主。而臨終戒其子曰。可讀禮記諸子六韜高君書。可觀知學術之大義。諸葛亮器模宏遠。詭計奇策。神出鬼沒。於整筭勒馬之際。而以澹泊明志。戒其子。則真與聖賢之心無隔矣。夫古之所謂英武者。豈果偏於武。又豈專於文哉。蓋講武之士。不可不模古之英雄也。士不可

不務文武兼二美也。其惟外備嚴守國防之術。而內極聖賢學術之大義。而後以為不負於士之任也。吾友中山成允揭於楮間曰。惜陰。君之家嚴極。奉法之奧。尤長於劍。君亦仙檀芽而香氣芳。頗善繼其緒。殆極二藝之精。晝則與群弟子驅角鍛練。夜則捧燈讀書。覈求道德性命之理。涉獵子史百家之書。每有餘陰。輒曰。此晷一逝不可復。是以文學富贖。不止武事也。然則所謂文武兼至兩美俱有。愛惜日力。而成偉器於歲月之際。以不負於國家士之任者。非望於君而誰望邪。果爾則惟君可以居此室。惟此室可以揭

此名。嗚呼。鉅儒碩師之顯名。豈苟乎哉。名之者為誰。君之先師橫田先生也。天保癸巳菊月杉原燁記。

文論

文之為文。豈容易哉。苟以文為易者。是非知文者也。夫文欲取範則於古。而不欲蹈襲古人。欲摸精神。而不欲剽竊字句也。苟欲學韓。而蹈襲韓之文。欲學柳。而剽竊柳之文。欲學歐蘇王曾。則摸擬剽綴。其辭章之間。而為一篇之文辭。以為之文。文固不難矣。文之為文。豈剽竊之云乎哉。蓋六朝之文。淡而屈。讀之如喫苦茶。至韓柳建。赤熾於唐。而文路始闢矣。以六經

為根柢。以班馬為支葉。尤取模範於孟子。可觀雖韓未嘗不取於古也。而未嘗有一鱗半爪擬似於文辭之間者。而其所取。獨取泰山巖巖之精神也。歐永叔之文。體拾之嚴。本之韓。而未嘗露韓之口氣。其辭藻之麗。取諸柳。而未嘗用柳之隻句。王蘇之文。並奇。而獨東坡挺挺特出。如帆長風。而航洪河。變幻百出。如春雲出岫。而其体格。一一袒韓柳。而取法於南華也。其實取之。而如不取。不剽竊其肌膚。而摸倣其骨髓。是所以能學而妙也。故唐宋首文之盛。都矣。作文者。寓目於唐宋諸子之間。而住心於其精神骨髓之境。

翼以蒙莊班馬之文。長其技。然後自然為一人之文。氣矣。故體格則可摹。而文氣則不能摸。一人必有一人之文氣。猶人之口鼻耳目百人同體而妍媸各異耳。苟欲強以同文氣於古人。則儼擊而倍醜。未嘗不陷於蹈襲剽竊也。明之初季。文人大家接踵並起。無辨幾百家。而文氣皆不同矣。宋潛溪之文氣如十里花發。水明山媚。尤富於文技。方正學之文氣如懸崖削壁。其氣魂岸然山聳。王遵巖之文。岌岌嶷嶷。筆力犀利。將以洞鐵札。歸震川之文氣如行軍士旅齊整而行伍不亂。斷青田之文氣瘦而勁。李東陽程篁墩

則坦而華。唐荆川則如收陽春芳卉於筆端。茅鹿門則旁柯支達。王陽明則其學雖不醇。文則波瀾突起。李于鱗王元美則如山之險嵌崎嶇不可度者。徐文長則筆筆奇駭。一一出乎意外。袁仲郎則雖過洒落。文技縱橫。戈筆絕羣。其他至楊慎解惜王震澤高啓之徒。文氣各不一。而體格則未嘗不根於唐宋八家。固宜然也。而文又有敏捷有鍛鍊。敏捷者必不高鍛鍊。豈其然哉。苟非芟辭藻之瑕。如掃落葉。所謂沒包彈者則非文也。疵瑕疊見。如杜默之詩。豈其謂之文耶。是亦短於鍛鍊之戈耳。故曰。文難矣。惟其要摸精

神而不剽竊字句。取法於八家。而不蹈襲體格。而後足以為文也。苟欲學韓。而模擬韓之字句。欲學柳。而剽竊柳之辭章。是非學之也。即韓耳柳耳。文豈容易哉。誘云。人為鳥言。聲則鳥。而性則人也。鳥為人言。聲則人。而性則鳥也。文亦將有然者也。

老馬說

有駒長於小金之野。鱗毛如氈。人畜而訓導焉。小試之平坦之地。一驟追奔電。其訓練之久。雖驂騮駉駉。亦將退然在下風也。於是。一日十御。繫於槽櫟之際。鞭策備至矣。惟以其禁固甚嚴。彼不自寧。其心謂假

令雖入王侯之廐。曷粟萬石。彼羈勒之禁。槽廐之困。加以鞭撻之楚。行止進退。一一不自在。抑亦孰與乎自馳自伏於草蕪荊棘之場。其銀鑣金鑄。蓋亦奚為。因偽嚙人。或近之者。不死則傷。遂不可復御。放諸小金之野。彼始如脫幽繫。如出拘囚。望雲而馳。馳疲而伏。揚揚自得。不知歲月之移。而齒之既老也。適觀逸驥。走坦途。駉駉然也。自奮欲以並驅相逐。而或顛或躓。不止馳驟之疾。遲而食粟之驥。與州野瘠馬。殊天淵相懸也。遂汗而止矣。後觀鴛駘之走。遲遲然也。仰而笑俯而嘻。極一生趾力而逐之。顛躓信前日。遲遲

之驚焉。自我視之。即為驛為騾為驢耳。於是振鬣長嘶。為歎老之狀。遂嚙草飲流而死。噫嘻。老後之歡。不及壯時。少壯自暴。不斂力。而老老乃悟焉。豈止老馬哉。其真老馬乎哉。老馬乎。老馬乎。有感。作其說。

挑核猿記

伎亦可駭哉。佛殿之楹。構閣之桶。刻舞鸞飛鶴游龍。盤虎花木等物。賁之以丹青。雕鏤之精。粉藻之麗。觀之可喜。而為楹為桶。皆巨木傑拔。欲畫彫刻之精妙。固非難致。未足以為可駭也。鐵筆之巧。鐫千文於寸石。字字如微塵。盡粉。諦視。雙皆欲裂。而字固易彫。石

亦易鐫。以易彫之字。鐫諸易鐫之石。精細亦非難為。未足以為可駭也。余家藏挑核猿。佐竹生家嚴所彫也。刻為猿抱子像。猿母長五分有奇。面大如豆。耳目鼻口。攢蹙咸備。兩臂拱圍。如佛家合掌狀。右手把桃實一枚。其末兩踝相接。凡手足五指。細如秋毫。而莫有遺者焉。猿子駢羅於拱圍中。歷歷可數。低頭俯視者一。昂首望母。直現左右足者一。頌身似捫乳者一。嬉戲欲把桃實者一。半身脫抱。見其臂者一。曲頸旁觀者一。頭皆如蠅眼。手足細可比蚊足。而莫有同者焉。細詳精緻。曲極其妙。真可駭矣。夫彫鳥獸花木於

梁楠昔知其易致也。鑄千文於寸石。吾知其易為也。易為易致之事。或可以喜而未足以為可駭也。獨至桃核。猿則觀之而驚。繼之以感也。通計一核為猿母。一為猿子。六為桃實。一而其大曾不盈寸。嗚呼。伎之絕精。亦可駭矣哉。

獅子說

獅子不產於日出之邦。蓋西夷之獸也。而邦人能識其狀。問之曰。眼若皦鏡。鼻若覆鼎。爪若鋒刃。銳劍攫然而踞。似有豁達大度之量。超然而躍。似有參乘排闥之勢也。蓋亦善識獅子矣。雖然。惟觀諸畫屏。視諸

書史而已。未嘗目擊而親觀也。近日一濠立於看場。咻咻焉曰。獅子自西域來。觀者乃堵牆。皆以為真獅子也。或曰。昔者指馬為鹿之姦臣。今有指佛林狗為獅子之猾男兒也。駘然怒卒然去矣。噫。信者固癡。怒者亦不賢哉。今夫緇麻鬚頭者。果能極玄窮微歟。短裳長劍者。果能禦侮折衝歟。銀匕調劑者。果能起痼救死歟。其名即為獅子也。而至頌倒其心曲。則皆莫不為佛林狗也。則彼豈真指馬為鹿之徒也耶。蓋心諷世誠俗之人也。戲作獅子說。

題冬夜讀書圖

燈花欲落。燈前机一架。机上書一卷。有一人對之。綿袍短袴。坐容甚肅。有尋思推究意思。善矣此圖。蓋讀書好時節。實在冬夜。而獨奈彼寒何。余性懶。又畏寒。往往繙秩於火閣上。遂至傾倒。今玩之。赧然愧耻。不知所顯也。雖然。彼花葩禽魚。五彩爛爛。美則美矣。而愛之之深。竟以喪志。獨若此圖。足以警懶。惜如余者。豈不充為珍玩也耶。

松陰記

秋山君維馨之庭。有古松一幹。奮傑於池水葩卉之際。適以絃書之室。直其北。幽翠沈沈。逼人。君每朝退

之暇。朝夕撫而盤桓。讀書以適。欲以老于此陰也。因自號松陰主人。抑又適也。蓋予與君相去。一牛鳴地。每望君家。喬松下蔭。屋脊上聳蒼霄。如鵬之搏。心竊愛之。君之言曰。識我與松者。無若子。請記諸。燁不可辭。退而按之。夫記者紀真也。不寫其真。而徒以文。予未知其如何也。雖然。若彼陂池臺榭之美。竹樹禽魚之勝。畫之而可畫矣。至其景真意適。得於意而樂於心者。畫猶有不可寫焉者。昔陶淵明把菊於東籬。謝康樂得句於池塘之春草。彼春草與菊花。所在有之。而淵明康樂之適。人不知之也。今松所在。豈止君之

園子哉。而其酬心意適。得於意而耽於心。人固不可
知。君能樂之。而雖君亦不能言其趣也。君其既不能
言之。煒奚得以發之。文辭且以記其真矣。惟予每往
未君家。并以回睇古松。老幹擎雲。蒼髯掩映。新翠濯
濯。嫩綠欲掬。清風微雨時至。則若琴若筑。如水發于
列岫之間。如金石和鳴。乍大乍小。稍微而作秋蟲吟。
予常竒之。因識松之心。甚熟矣。嗚呼。老松之所以鬱
茂蕭蔚於君之園。而蟠屈於晨露夕月之中。竭疾徐
變幻之竒者。孰非出君之愛培。惠灌之厚哉。夫松仰
戴君之棠蔭。蓋亦久矣。然則君樂松之陰耶。抑又松

仰君之陰耶。未可以知也。若其景情之適。君不知也。
松不知也。予亦不知也。一日以告君。君笑曰。我樂之。
而我未知所以然。而爾奚以知松之意如何。惟欲以
風晨月夕。吟哦於翠蓋之陰。而問諸此大夫也。因記
諸壁。癸巳陽月。半水杉原煒撰。

游瀧野川記

城北三里許。有一勝處。曰瀧野川。澄潭遠邱。岬然窪
然。松樹繚繞。鬱乎蒼蒼。最多楓樹。霜葉殊可觀矣。余
與三友同游焉。是日天氣澄肅。興翹甚濃。一邱如伏
牛背。髯松離聳。楓則居半。降邱而左。磬又躋一邱。上

有碍。碍後排榛莽接樹枝。俯而視。崖壁直削可一丈。
一川環流。遙望兩崖對立。如洞門。其奧水漲滄。逆落。
猶水晶簾。水聲大振。鞞輪似遠留。同游指告曰。是其
源矣。余眎水脈。濫漲頗猛。源亦當在近也。下邱而右。
渡橋傍川。又右。一洞呀然。中置天女祠。洞中水點點。
灑落。不可久留。其前河水洞濫。清冽殆見底。過前路。
又登一邱。上甚坦夷。翠林連聯。有不動明王堂。有天
女堂。西三嫗架棚。剪苔延客。喋喋可厭。店前左折降
崖。兩壁巉巖。引河水作小懸泉。注下僅丈餘。如一縷
白線。其下有板受之。飛沫四散。蓋浴者坐此板上也。

傍有一室。浴者脫衣之處矣。或云。浴者首疾頓癒。適
有兩人浴焉。余輩一觀。毛孔爽然。肌膚累累起粟。既
見彼浴。始甘心首疾矣。歸投店踞床而憩。兩崖壁立。
石峙水流。水聲振林樾。如暴雨大至。就中邱上楓色。
釀紅者。淡赤者。紫色者。映帶於翠松綠樹。若火齊與
琉璃攢立。而店前鴨脚葉葉作黃金色。呈媚於青雲
之表。景固非不奇。而同游者亦各自愛。不敢妄費七
步也。至夕日沒於松間。川面晃耀。金銀映發。滿林
楓色。與日光射映。張錦繡幕。則同游叫奇不輟。相與
恍惚如夢。漫吐胸蘊。以唱和。各有詩。余雖不能韻語。

亦枉賴搜句。賦惡詩一章而去。然則斯游亦久雅清興哉。嗟夫古人游一丘一壑。景與意會。意與景適。以詩以文。擅采於一世。嗟亦盛矣。余輩雖不能追古人萬一。景發詩趣。吟詠寫景。景得詩愈美。詩得景愈精。謂之山水交友。恐不以為過也。若夫徘徊於青松丹林之間。放歌醉舞。流連耽戀。既無一句半章之得。而不知白日之移陰。風林暮色之蒼然者。抑亦山水奴僕哉。游之日為天保四年上冬十二日也。同游曰中山白陽。曰關秋鷗。曰岸本蘭臺也。余則半水杉原燁也。

雷說

杉子每雷鳴。瞑目嘿坐。面無人色。愕然掩耳。忽焉俯伏。望者以為狂也。客曰。雷何可懼矣。雷者天氣之鬱而激而發也。蓋陰凝而莫散。物蹙而莫遂。風日之所不能燥。雨露之不能濕。雷一震焉。而凝者斯散。蹙者斯遂。穀麥得之而穰熟。竹木得之而暢茂。覆載之間。固不可無雷霆之威。而雷之為雷。既苦此。苟其知雷之所以為雷。豈懼之之有矣。余曰。固既知之。雖然。迅雷衣服冠而坐。聖尼之所以敬天。余豈可易悔之哉。亦敬天而已。客仰而笑俯而詰曰。子欲掩其癖。託聖

尼以飾詞。計亦拙矣。夫天地之威。不可輕侮。敬之固
然矣。而俯伏掩耳。何其敬之太甚矣。余古若膠漆。而
不可復言。謝曰。余誤余誤。實酷懼雷也。客曰。我將問
於子也。夫子之所以懼雷者。蓋又何故。豈為其聲之
轟轟焉。震蕩天地山川歟。怪雲飛電。景氣之可懼歟。
抑又為戕斷人壽。橫絕性命歟。苟懼其震。以忌雷乎。
巖牆之下。猶不可過也。溟渤之上。猶不可航也。蓋其
壓死覆溺者。固逢於其變耳。巖豈常壓人哉。海豈常
溺人哉。故彼震殺亦雷之變也。雷亦豈常震人哉。懼
其變。每雷鳴。惴慄失色。非愚則狂。抑又別有說乎。曰

有焉。初玄雲之起。若山之崔嵬。散而復止。止而復散。
雷聲殷殷。乍近乍遠。倏而大鳴。倏而小鳴。蓋其欲震
而未震也。當此時。余不知手足之所措。猶羸卒在軍。
聞戰鼓鯨聲。股栗者。或立或走。或勉強讀書。而如花
溲誦經。掩卷茫然。不知所讀有何事也。或自奮寫字。
如疾書忙時之作。至脫半行或一行也。而非懼其聲
也。非懼其景氣也。固非懼其震也。既而雲如潑墨。風
颯颯鳴。蒼林而末。木葉飛舞。若鳥雀。大雨注至。勢如
建瓴。奔電爍灼。疾雷砰鉦。木石皆應。當此時。余目不
可正視。口不能吐言。頭岑岑加重。低坐俯伏。身如入

冰室。毛孔起粟。遂至以被今衣。非懼其聲而然也。非懼其景氣而然也。固非懼其震而然也。及其雨霽雲收。涼颼生肘腋。人皆以叫絕快。而余則胸如鐵札。按拊撫摩。久而始癒。豈其氣之所感而然歟。蓋自懼之。而未知其所以懼之也。不知其所以可懼。而徒懼之。子又以為狂愚乎。竊有說焉。凡知可懼而懼者。懼之淺者也。自懼之而未知其所以可懼。則懼斯為至矣。試舉此說。以語與余同癖者。必將以為知言也。客拊掌曰。今而後我知人之所以懼雷也。余驚曰。何謂哉。曰。是賦氣之偏矣。客退。戲書以解嘲。作雷說。

善知鳥卵顯語

并叙

蝦夷有鳥。名曰善知。道遙乎海面。巢於深林。故雖夷人亦罕獲其卵。而或得之者。不啻獲熊掌。直竅之一。噲盡之。又不敢留意於殼也。適有游者焉。拾其殼於穢芥之中。既已粉解。携歸。贈中山白陽。白陽頗好奇。合其蘊散。糊其裏面。固之以松脂。數閱旬始完之。旨質紫章。潤然如明珠。重巾覆篋。以珍襲焉。白陽余之親契也。需余之題語。事在前年之秋。遷延未果。今奉春賦。半日覺而思其事。漫吐嚙語數言。以供君之一笑。



汝為何物。似石而非石也。似珠而非珠也。其非珠與石。則蓋是為卵歟。又非尋常雞鶩之卵也。鶴乎鷹乎。鴻鵠乎。孔雀文鴛之類乎。抑又為南溟之鷗歟。曰是北溟善知之卵也。汝何幸逢此寵。嘗汝之在取蠻辱於醜夷之手。胎殼亦歸於穢。艾蟻不肯顧也。一旦去醜夷抵中華。晏如於篋笥中。橫卧於綿被上。孰其使然。汝宜勿厚謝一喙哉。雖然。汝之精既在夷人肚中而已。汝之族果能履其名。宜喙夷人之精以復恠怨。扶搖重翅抵中華。止於白陽君庭樹。而長鳴以謝矣。君當必命畫手寫其形。懶仙又將題金繡五色之文矣。甲午馬日懶仙燁頰。

Handwritten text in vertical columns, likely bleed-through from the reverse side of the page. The text is extremely faint and illegible.

